
PWYLLGOR YMGYNGHOROL HARBWR PORTHMADOG 14/10/15

YN BRESENNOL:

Y Cynghorydd Alwyn Gruffydd (Cadeirydd)
Y Cynghorydd Selwyn Griffiths (is-gadeirydd)

Y Cynghorwyr: Jason Humphreys (Cyngor Gwynedd), ynghyd â Gavin Buckley (Cynrychiolydd Cyngor Tref Porthmadog), Dr John Jones-Morris (Cynrychiolydd Buddiannau Hamdden), Robert Owen (Cynrychiolydd Buddiannau Masnachol) a Peter L. Williams (Sefydliad y Bâd Achub).

Aelod Cabinet: Y Cynghorydd Mandy Williams-Davies (Aelod Cabinet – Economi)

HEFYD YN BRESENNOL: Barry Davies (Swyddog Morwrol a Pharciau Gwledig), Arthur Jones (Uwch Swyddog Harbyrau) a Bethan Adams (Swyddog Cefnogi Aelodau a Chraffu).

YMDDIHEURIADAU: David McLean (Buddiannau Perchnogion Tir).

1. CADEIRYDD

PENDERFYNWYD ail-ethol y Cynghorydd Alwyn Gruffydd yn gadeirydd y Pwyllgor hwn am y flwyddyn 2015/16.

2. IS-GADEIRYDD

PENDERFYNWYD ail-ethol y Cynghorydd Selwyn Griffiths yn is-gadeirydd y pwyllgor hwn am y flwyddyn 2015/16.

3. CROESO

Estynnwyd croeso i Gavin Buckley, Cynrychiolydd Cyngor Tref Porthmadog ac Arthur Jones, Uwch Swyddog Harbyrau i'w cyfarfod cyntaf o'r pwyllgor hwn.

4. DATGAN BUDDIANT PERSONOL

Ni dderbyniwyd datganiad o fuddiant personol gan unrhyw aelod oedd yn bresennol.

5. COFNODION

Llofnododd y Cadeirydd gofnodion cyfarfod y Pwyllgor hwn a gynhaliwyd ar 4 Mawrth, 2015, fel rhai cywir.

6. DIWEDDARIAD AR FATERION RHEOLAETHOL YR HARBWR

Tywysodd y Swyddog Morwrol a Pharciau Gwledig yr aelodau drwy'r adroddiad, gan dynnu sylw at y prif bwyntiau canlynol:

- Y bwriedir ehangu/datblygu'r wefan i gynnwys mwy o wybodaeth forwrol;
- Bod 140 o angorfeydd blynyddol o gymharu â 157 yn 2014, oedd yn adlewyrchu'r economi ehangach;
- Yr edrychir ar y systemau cofrestru ynghyd â ffioedd yn ystod y Gaeaf;
- O ran y Cod Diogelwch Morwrol, y byddai'r Uwch Swyddog Harbyrau yn ei adolygu cyn i'r awdurdod annibynnol a benodwyd, sef Harbwr Caernarfon ei archwilio. Nodwyd bod y Cod yn rhoi arweiniad ac yn rhoi sicrwydd i'r cyhoedd bod diogelwch defnyddwyr yn bwysig i'r Cyngor;

- Y gwerthfawrogi sylwadau ar gynnwys y Cod gan yr aelodau;
- Bod y gwasanaeth yn awyddus i ddatblygu Mesuryddion Perfformiad mewn perthynas â rheolaeth yr harbyrau ac y gwahoddir syniadau neu awgrymiadau cychwynnol gan yr aelodau;
- Bod gwaith wedi ei wneud i ymateb i 1 Rhybudd i Forwyr a oedd mewn grym, sef gosod bwlb newydd yn llusern y Bwi Tramwyo. Gydag un rhybudd arall mewn grym oherwydd bod golau ar bontŵn *Madog Yacht Club* wedi diffodd a byddai'r Cyngor yn fodlon cynorthwyo gyda'r gwaith;
- Bod cyfnod secondiad yr Harbwr Feistr wedi ei ymestyn tan ddiwedd Hydref 2015 pryd adolygir y swydd;
- Nodwyd bod cyfnod cyflogaeth Cymhorthion Harbwr (tymhorol) wedi eu hymestyn hyd at 31 Rhagfyr er sicrhau ei fod yn bosibl ymateb i ddigwyddiadau a chwblhau rhaglen waith cynnal a chadw harbyrau Porthmadog ac Abermaw;
- Y gwaredwyd llongddrylliad a oedd yn achosi perygl ac asesir 2 gwch arall cyn penderfynu os byddai angen gosod rhybudd ar y cychod;
- Yr achoswyd difrod i wifren drydan wrth dynnu cwch hwylio o'r llithrfa, adroddwyd i'r HSE ar y digwyddiad ond nid oedd angen iddynt gynnal archwiliad. Nodwyd y pwysleisiwyd i staff yr angen i wneud asesiadau risg cyn ymgymryd â gwaith o'r math yma;
- Bod sefyllfa incwm yr Harbwr yn niwedd blwyddyn ariannol 2014-15 yn galonogol a bod tanwariant o £29,276.
- Y rhagwelir y byddai gorwariant o oddeutu £1,400 erbyn diwedd y flwyddyn ariannol gyfredol;
- Y buddsoddwyd mewn sustem teledu cylch gyfyng newydd i'r harbwr;
- Archwiliwyd yr angorfeydd a rhagwelir bod costau o oddeutu £3,000 i wneud gwaith arnynt ac y gobeithir cwblhau'r gwaith cyn y Nadolig;
- Y bwriedir cyfnewid tanc disel coch Harbwr Aberdyfi gyda thanc disel yr Harbwr er mwyn cynyddu capasiti storio;
- Bod nifer o weithgareddau wedi eu cynnal dros yr Haf. Bwriedir cynnwys rhestr digwyddiadau ar gyfer Haf 2016 yn yr adroddiad a gyflwynir i'r cyfarfod nesaf a gofynnodd i aelodau ei hysbysu o unrhyw weithgareddau er mwyn gallu eu cynnwys yn yr adroddiad.

Manylodd yr Uwch Swyddog Harbyrau ar y rhaglen waith cynnal a chadw a gofynnwyd i aelodau hysbysu'r gwasanaeth o unrhyw waith arall sydd angen ei wneud.

Yn ystod y cyfarfod ymatebwyd i sylwadau gan yr aelodau gan y Swyddog Morwrol a Pharciau Gwledig fel a ganlyn:

- Bod Cwch y Dwyfor yn cael ei ddefnyddio i osod cymhorthion mordwyo ond gyda'r cwch yn dod i ddiwedd ei oes asesir opsiynau o ran ymgymryd â'r gwaith i'r dyfodol;
- Yr hysbysir Dŵr Cymru nad oedd eu bwi yng Nghricieth yn y man cywir, ac efallai byddai'r gwaith yn gallu cael ei wneud pan fo teclyn monitro yn cael ei osod ar Fwi Archwilio Cricieth i fesur lefelau yn dilyn derbyn Rhybudd i Forwyr;
- Y byddai'n codi'r mater o ran rheoliadau talu cyflog cyntaf y Cymhorthion efo'r swyddogion priodol;
- O ran recriwtio, y derbynnir ceisiadau niferus gan unigolion oedd newydd adael coleg pan fo'r dyddiad cychwyn swydd cymhorthydd yn dechrau Mehefin ond ddim gymaint pan fo'r swydd yn cychwyn yn dechrau Ebrill. Nodwyd y dilynir trefniadau'r Cyngor o ran penodi unigolion ac edrychir ar y dull y hysbysebiri y swyddi;
- Y byddai'n gadael yr aelodau wybod unwaith gwneir penderfyniad o ran swydd yr Harbwr Feistr;
- Bod Cylch Gorchwyl y Pwyllgor Ymgynghorol wedi newid o ran traethau ond bod y wybodaeth berthnasol ar gael i'r aelodau a byddai'n fodlon mynychu cyfarfodydd eraill i drafod y materion traethau;

- Bod ymateb Cymhorthion Traethau i ddigwyddiad ar y môr lle galwyd Gwylwyr y Glannau a'r Bad Achub yn gwbl annerbyniol a gofynnodd i gynrychiolydd Sefydliad y Bad Achub i'w hysbysu o'r manylion;
- O ran unigolyn yn trigo ar gwch ar y llithrfa, y bwriadai'r unigolyn symud yn fuan wedi trwsio'r cwch. Edrychir ar safleoedd arall posib i symud y cwch oddi ar y llithrfa a gofynnir i aelodau adrodd ar unrhyw ddigwyddiadau pellach yn cynnwys yr unigolyn.

7. CYFARFOD NESAF

Nodwyd y caiff y cyfarfod nesaf ei gynnal ar 9 Mawrth, 2016.

Dechreuodd y cyfarfod am 5.35pm a daeth i ben am 6.45pm

CADEIRYDD